

## Universitätsbibliothek Paderborn

### **Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani**

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

**Gavanti, Bartolommeo**

**Antverpiæ, 1646**

De Prima. III.

**urn:nbn:de:hbz:466:1-40233**

**12** De Antiphonis Capitulo, Hymno, Versu, Antiph. Cantici, Cantico, & Orat. infra suis locis. Hymni non meminit Amalar. meminit Hugo in Spec. Ecclef. cap. 3. ad excitandam mentem pro intelligentia proximi Cantici Euangelici, inquit idem lib. 2. de Off. cap. 8. Versus dicitur ante Canticum, ut magis attenui simus ad verba Cantici, Amalar. lib. 4. cap. 45. vel, ut excitemur ad credendum ea quæ promittuntur in Cantico, Dur. lib. 5. cap. 4.

**13** Cur autem primo loco Canticum *Benedictus* in Officio dicitur, cum non fuerit in Euangeliō Canticum primum? An quia à Vesperis inchoatur Officium, in quibus primum cantatur Canticum? An quia, ut ait Duran. *loco cit.* Zacharias loquitur cum Ioanne, qui est Aurora ante Christum Solem? & in aurora quidem Laudes dicuntur magis congruè. An quia de lumine fit mentio, *Illuminare his*, &c. quod est Matutinæ horæ proprium? De Oratione post Canticum omnes meminere Auctores. De Precibus, Suffragijs, Fine, Antiphonis finalibus in suis Capitibus Sectione sequenti cum reliquis agemus.

### De Prima.

#### CAP. III.

**P**rimæ vocabulum ad rem nostram usurpatum in Regula sancti Benedicti cap. 16. & in Conc. Cabilonensi II. Res ipsa est antiquior, tempore Cassiani expressè cœpta, de quaipse lib. 3. *Instit. monast.* cap. 4. cuius vestigium potius, quam res ipsa tota, videtur haberi apud Athanas. lib. de Virginit. Sol,

inquit, exoriens videat librum in manu tua, id est Psalterium; & loquitur de prece post Laudes, quæ ante Solis ortum complebantur. Volunt, S. Clementem loqui de Prima, cum ait lib. 8. *Constit. cap. 34.* Precationes facite manè, Turrianus ibi, & Durand. l. 3. de Ritib. cap. 7. & Suar. lib. 4. de Horis Can. cap. 5. num. 8. Negant Radulph. *Proposit. 14.* qui expressè docet, Primam & Completorium non ante Cassianum fuisse, & Francolinus l. par. capite 14. num. 6.

**2** Quidquid sit de origine, affines horæ sunt Prima & Completorium, sicuti Laudes & Vesperæ; nam v-trobiique Confessio. Quatuor Psalmi, Hymnus, Capitulum & Responsorium immobiliter dicuntur: Canticum quoque Simeonis est immobile, cui responderet Symbolum sancti Athanasij in Dominicis immobile. Quæ omnia apta sunt initio diei & noctis, ut armemur contra hostes diurnos & nocturnos, ex Radulph. *loco cit.* Praclarè Ambrosius Ser. 43. & in Hexaëm. lib. 5. cap. 12. de auibus loquens ait: *Quis sensum hominis gerens, non erubescat sine Psalmorum celebritate diem claudere & adoriri;* cum etiam aues suavi modulatione & dulci carmine ortus dierum ac noctium prosequantur? Hæc de Prima & Completorio simul.

**3** Post ortum Solis Prima congruentius recitatur; tum ex origine apud Cassianum expressè; tum ex Hymno, *Iam lucis orto fidere;* tum ex Auctoribus pluribus citatis à Francol. cap. 15. num. 14. Primo, ut sicut oibus, quæ noctu custodiuntur in ouilibus inclusæ, manè ad pascha exeuntibus adeat opilio, qui eas dirigat, ducat, defendat à lupis; ita nobis primo diluculo

diluculo surgentibus, Sole oriente, adsit Dominus verus Pastor, Amalar. lib. 3. cap. 2. Deinde, ut ipso Solis ortu Solem iustitiae nobis orientem postulemus, Raban. 2. Instit. cap. 3. Denique ex Ruper. lib. 3. cap. 3. de Diuin. Offic. prima hora diei quærendum primùm est regnum Dei; & pri-  
ma cogitationes Clericorum, tamquam quædam lucis primitiæ, Deo sunt offerendæ.

4 Ordo *Prima* pater in Rubricis. Apud Scriptores de diuinis Officijs sola mentio fit ante omnes Horas de Oratione Dominicæ, de qua etiam Breu. M. S. antiquiss. de Symbolo quoque Apostolorum apud Polyd. Virgil. de Inuent. rer. l. 6. cap. 2. Intitum à *Deus in adiutorium* habetur ex Amal. lib. 3. cap. 2. cum *Gloria Patri*. de Hymno Amalar. non meminit, sed Hugo meminit in Spec. Ecol. cap. 3. Antiphonam nemo notat nisi Radul. Prop. 14. qui vnam & solam Antiphonam singulis Horis tribuit.

5 Psalmi in Dominicis quatuor, Gemma an. lib. 2. cap. 58. in Ferijs totidem, ex Durando lib. 5. Rat. cap. 5. Additi sunt alij, qui secundo loco ponantur; qui idem dicebantur omnes ante Pium V. in Dominicis, ex Breu. M. S. & impressis: nunc distributi sunt per Ferias, tamquam Psalmi olim assignati *Prima*: tum verò etiam ne de Psalterio quidquam supersit. Et in Dominicæ quidem dicitur Psalmus *Confitemini*, quia in eo habetur Versus, qui est de Resurrectione Domini, quam significat dies Dominicæ: *Hac dies, quam fecit Dominus, &c.* Psalmus assignatus Feriæ 2. habet pro titulo, *Prima Sabbati*. quare & conuenit dici saltem prope Dominicæ. Fortè etiam Psalmus Feriæ 5. datus est, in

quo agitur de mensa, refectione, pa-  
scuis; quia significant Eucharistiam Feria 5. institutam. Psalmus aurem Feriæ 6. totus est de Passione Domini. Cùm autem nullus supersit Psalmus qui assignari queat Sabbato, in quo etiam sèpiùs fit de B. Virgine, idèo Sabbato quatuor Psalmi numquam dicuntur. Quaternarius hic Psalmorum numerus denotat, quòd in quatuor mundi partibus doctrina quatuor Euangelistarum laudatur, Dur. loco cit. Vnde statim.

6 Subditur Symbolum S. Athana-  
sij; quia doctrinæ Euangelicæ, quam  
significant quatuor Psalmi, funda-  
mentum est Fides, idem loco cit. qui &  
addit, initio diei idèo recitari, quia Fi-  
des est initium salutis. Plura de hoc  
Symbolo in proprio capite.

7 Verum in Festis Psalmi tres di-  
cuntur tantum, Radulph. Prop. 10. vi  
etiam toto tempore Paschali, ob tem-  
poris, inquit, iucunditatem, quæ la-  
borem multa canendi excludit. Amal.  
autem lib. 3. cap. 2. tress idèo dici pu-  
tatur, quia pro tribus horis, à Prima  
ad Tertiam, laudandus est Deus tri-  
nus, & armandi sumus contra tres ho-  
stes. Hugo in Spec. cap. 3. quinque-  
narium numerum in tribus Psalmis  
obseruat, ad munierdos quinque sen-  
sus; Gemma lib. 2. cap. 58. ad quin-  
quepartitam per Christi Vulnera pa-  
ssionem initio diei recolendam. Expli-  
cat Durandus Hugonem loco citato,  
quòd diuiduntur duo Psalmi, *Beati*  
*immaculati*, & *Reuiribue*, in quatuor  
octonarios, qui sunt veluti quatuor  
Psalmi; & in Hebreo textu apparet  
hæc in quatuor partes distinctio. Pri-  
mus Psalmus, *Deus in nomine tuo, &c.*  
dicitur pro toto itinere & cursu diei  
contra hostes aptissimus; & Psalmus,

*Beati*

*Beati immaculati*, plenus est morali instru<sup>t</sup>ione. Hæc fuisse Amalar. de Ordin. Antiph. cap. 6.

8 De Capitulo, quod Amalarus omittit scribere, scribit Hugo libro 2. cap. 1. & Lectioem vocat. De Responsorio brevi, de quo idem Hugo, nihil Amalarius: de Oratione, cuius Hugo meminit: de Precibus, quas Amalar. innuit: de Confessione, de qua Gemma lib. 2. cap. 64. de Martyrologio, de quo Gemma libro 2. cap. 58. de Pretiosa, cum reliquis usque ad finem, de quibus Hugo 2. de Offic. cap. 2. & Radulph. Propos. 14. distinctius & pleniū Sectione sequenti differemus.

9 Illud hoc loco notandum est, Orationem illam, *Sancta Maria, & omnes Sancti, &c.* esse antiquissimam, & in Ordine Romano legi: ter quoque dici, *Deus in adiutorium*, ut praesentia & præterita deleamus, & futura peccata caueamus, Hugo loco citato: vel, ut armemur contra diabolum, mundum & carnem in nomine Trinitatis, Durandus lib. 5. cap. 5. Nullum tamen ad hæc verba, *Deus in adiutorium*, formatur Crucis signum.

10 Absolutio item Capituli cum Lectio & Capitulo Nonæ sibiū concluditur; quia prædicta, quæ extra Primam existimantur esse, dicuntur à Regularibus in Capitulo, ex Gemma lib. 2. cap. 58. & ad Lectio nem communem post Horam Primam conueniebant Monachi, ex Amalar. de Ordine Antiph. cap. 7. Vice cuius legitur hodie (& hoc nomine vocatur in Breuiario) Lectio brevis. Idem Amalarius lib. 4. de Offic. cap. 3. putauit, additam fuisse in fine Lectioem hanc breuem pro Ca-

pitulo, quod post Psalmos Primæ non legebant antiqui.

11 Sed cur, quando Lectio brevis non habetur propria, sumenda est de Capitulo Nonæ? An, quia Capitulum Nonæ in Festis solet esse finis Epistolæ quæ legitur in Missa? ut scilicet finis Epistolæ finem imponat Primæ Horæ.

12 Denique Prima & Completorum non variantur, sicut aliae Horæ, in quibus Capitula, Responsoria, Versus, Oratio variantur; quia principium & finis operum nostrorum firmiter sunt tribuenda Deo, ait Hugo lib. 2. de Off. cap. 1.

*De Horis, Tertia, Sexta, & Nona.*

C A P . I V .

**H**Æ tres Horæ notissime fuerunt Apostolorum tempore, ad preces Deo fundendas, ut suprà docuimus Sect. 1. cap. 2. num. 1. pag. 2. insigniores erant in rebus humanis, ait Tertull. in lib. de Seuilio, & solemniores in orationibus diuinis. quod ibidem confirmat exemplo tum Danielis, qui ter orabat in die; tum Apostolorum, ut & nos loco citato diximus.

2 Præter eas, quas loco citato articulimus, rationes mysticas de his tribus Horis, possumus addere, quod hora Tertia datus fuit Spiritus sanctus, quem & nos petimus in Hymno ad Tertiam; lex noua data est Apostolis, de qua nos dicimus, *Legem pone mihi Domine, &c.* Hæc Duran. lib. 5. cap. 6. Hora Sexta Deus visus est Abraham in Valle Mambre; Joseph cum suis fratribus pransus est; Ruth Moabitis excepta est à Booz; cum Samaria

ritana